

元史新編

食貨下

歲賜

自昔帝王皆厚於其宗族姻戚以明親親而莫厚於元代蓋諸王分藩皆在西北朔漠之地故又於中原腹地別有會采分地其路府州縣得薦其私人以爲監秩祿受命如王官而不得以歲月通選調其賦則五戶出絲一斤不得私徵之皆輸諸有司之府視所當得之數而給與之其歲賜則銀幣各有差始定於太宗之時而增於憲宗之日及世祖平江南又各益以民戶時科差未定每戶折支中統鈔五錢至成宗復加至二貫而后妃公主之歲賜視此勳臣世祿之歲賜亦視此蓋太宗丙申所撥賜者太祖開國

功臣也憲宗壬子等年所撥者太宗功臣也至元中所撥者世祖功臣也其開國功臣而至元中加賜江南錢鈔者因其子孫有功而追賜其祖如木華黎以其孫安童也孛羅渾卽博爾忽以其孫月赤察爾也速不台以其孫阿朮也八答子以其孫哈刺霍孫爲相也惟耶律丞相一人則開國賢臣不必其裔有功而亦當追賜舊史或重出或顛倒或譌甘又干今以后妃諸王駙馬公主列其前而中葉功臣太平王燕帖木爾殿其後其閒屢朝功臣則以時代之先後爲序詳著其所賜之人及其數之多寡其舊史俱誤者正之

諸王

太祖叔答里眞官人位

歲賜銀三十錠段百匹

五戶絲太宗丙申年分撥寧海州萬戶延祐六年實有四千五百三十二戶計絲千八百一十二斤江南戶鈔至元十八年撥南豐州萬有千戶計鈔四百四十錠

太祖弟合薩爾大王子淄川王位

歲賜銀百錠段三百匹

五戶絲太宗丙申年分撥般陽路二萬四千四百九十三戶延祐六年實有七千九百五十四戶計絲三千六百五十六斤

江南戶鈔至元十三年分撥信州路三萬戶計鈔千二百錠

太祖弟哈赤温大王子濟南王位

歲賜銀百錠綿六百二十五斤小銀色絲五千斤  
段三百匹羊皮千張

五戶絲太宗丙申年分撥濟南路五萬五千二百  
戶延祐六年實二萬有千七百八十五戶計絲九  
千六百四十八斤

江南戶鈔至元十八年分撥建昌路六萬五千戶  
計鈔二千六百錠

太祖弟幹眞那顏大王位

卽幹赤斤太  
宗紀作幹陳

歲賜銀百錠絹五千有九十八匹綿五千有九十  
八斤段三百匹諸物折中統鈔百二十錠羊皮五  
百張金十六錠四十五兩

五戶絲太宗丙申年分撥益都路等處六萬二千有百五十六戶延祐六年實有二萬八千三百有一戶計絲萬有千四百二十五斤

江南戶鈔至元十八年分撥建寧路七萬有千三百七十七戶計鈔二千八百五十五錠

太祖弟孛魯古台大王子廣寧王位

卽別里古台

歲賜銀百錠段三百匹

五戶絲太宗丙申年分撥恩州萬有千六百三戶延祐六年實有二千四百二十戶計絲千三百五十九斤

江南戶鈔至元十八年分撥鉛山州萬八千戶計鈔七百二十錠

太祖長子朮赤大王位

歲賜段三百匹常課段千匹

五戶絲太宗丙申年分撥平陽四萬有千三百二  
戶戊戌年益眞定晉州萬戶

江南戶鈔至元十八年分撥永州六萬戶計鈔二  
千四百錠

太祖次子察合台大王位

歲賜銀百錠段三百匹綿六百二十五斤常課金  
六錠六兩

五戶絲太宗丙申年分撥太原四萬七千三百三  
十戶戊戌年益眞定深州萬戶延祐六年實有萬  
七千二百一十一戶計絲六千八百三十八斤

江南戶鈔至元十八年分撥澧州路六萬七千三百三十戶計鈔二千六百九十三錠

太祖第六子闊列堅大王子河間王位

載

太祖第五子兀魯赤無嗣故不

歲賜銀百錠段三百匹

五戶絲太宗丙申年分撥河間路四萬五千九百三十戶延祐六年實萬有百四十戶計絲四千四百七十九斤

江南戶鈔至元十八年分撥衡州路五萬三千九百三十戶計鈔二千有百五十七錠

太宗子合丹大王位

歲賜銀十六錠三十三兩段五十匹

五戶絲憲宗丁巳年分撥汴梁在城戶至元三年  
改撥鄭州延祐六年實有二千三百五十六戶計  
絲九百三十六斤

江南戶鈔至元十八年分撥常寧州二千五百戶  
計鈔百錠

太宗子蔑里大王位

歲賜銀十六錠三十三兩段五十四匹

五戶絲憲宗丁巳年分撥汴梁在城戶至元三年  
改撥鈞州千五百八十四戶延祐六年實有二千  
四百九十六戶計絲九百九十七斤

太宗子合什大王位

歲賜銀十六錠三十三兩段五十四匹

五戶絲憲宗丁巳年分撥汴梁在城戶至元三年  
改撥崇州三千八百十六戶延祐六年實有三百  
八十八戶計絲百五十四斤

太宗子闊出大王位

歲賜銀十六錠三十三兩段百五十匹

五戶絲憲宗丁巳年分撥汴梁在城戶至元三年  
改撥睢州五千二百十四戶延祐六年實有千九  
百三十七戶計絲七百六十四斤

太宗子闊端大王位

歲賜銀十六錠三十三兩段五十匹

五戶絲太宗丙申年分撥東平路四萬七千七百  
四十一戶延祐六年實萬有七千八百二十五戶

計絲三千五百二十四斤

江南戶鈔至元十八年分撥常德路四萬二千七

百四十戶計鈔千九百九錠

太宗子定宗爲王時

王名貴由舊史太宗紀八年丙申分賜古與大名府古與卽貴由之

聲近也

歲賜銀十六錠三十三兩段五十四

五戶絲太宗丙申年分撥大名六萬八千五百九

十三戶延祐六年實萬有二千八百三十五戶計

絲五千有百九十三斤

睿宗子旭烈大王位

歲賜銀百錠段三百匹

五戶絲憲宗丁巳年分撥彰德路二萬五千有五

十六戶延祐六年實有二千九百二十九戶計絲二千二百斤

睿宗子阿里不哥大王位

歲賜銀百錠段三百匹

五戶絲太宗丙申年詔以眞定路八萬戶奉太后湯沐後歸阿里不哥大王延祐六年實萬有五千二十八戶計絲五千十三斤

江南戶鈔至元十八年分撥撫州路十萬四千戶計鈔四千有百六十錠

此條舊史誤列太祖諸子下今移入睿宗諸子內

睿宗子末哥大王位

歲賜銀五十錠段三百匹

五戶絲憲宗丁巳年分撥河南府五千五百五十

二戶延祐六年實有八百九戶計絲三百三十三斤

江南戶鈔至元十八年分撥茶陵州八千有五十  
二戶計鈔三百二十四錠

睿宗子撥綽大王位

歲賜銀五十錠段三百匹

五戶絲憲宗丁巳年分撥眞定蠡州二千三百四  
十七戶延祐六年實有千四百七十二戶計絲六  
百十二斤

江南戶鈔至元十八年分撥耒陽州五千三百四  
十七戶計鈔二百十三錠

睿宗子歲哥都大王位

五戶絲憲宗壬子年元查濟南等處五千戶延祐六年實自五十戶計絲二十斤

憲宗子阿速台大王位

歲賜銀八十二錠段三百匹又泰定二年晃兀帖木爾大王改封并王增歲賜銀十錠班圖大王銀八錠又泰定三年明里忽都魯皇后位下添歲賜中統鈔千錠段五十匹絹五十匹

五戶絲憲宗癸丑年查過衛輝路三千三百四十二戶延祐六年實有二千二百八十戶計絲九百十六斤

世祖眞金太子位

追諡裕宗

太子眞金妃

追尊爲裕宗后

歲賜銀五十錠

江南戶鈔延祐三年分撥江州路德化縣二萬九千七百五十戶計鈔千有百九十錠

世祖長子多爾只大王位

案世祖不立長子而立次子眞金爲太子之故於史無攷

而長子亦無後

歲賜段絹各千匹

江南戶鈔至元十八年分撥龍興路十萬五千戶計鈔四千二百錠又四怯薛伴當江南戶鈔至元

十八年撥瑞州上高縣八千戶計鈔三百三十錠

此條舊史誤在裕宗后下旣與前太子后如一條相重又使皇長子位下無歲賜絲鈔之數今移正之

世祖次子安西王芒哥刺位

歲賜段絹各千匹

江南戶鈔至元十八年分撥吉州路六萬五千戶計鈔二千六百錠

世祖次子北安王那木罕位

歲賜段絹各千匹

江南戶鈔至元二十二年分撥臨江路六萬五千戶計鈔二千六百錠

世祖次子平遠王闊闊出位

歲賜段匹物料折鈔千六百五十六錠銀五十錠折鈔千錠

江南戶鈔泰定元年分撥永福縣萬三千六百四戶計鈔五百四十四錠

世祖次子西平王奧魯赤位

歲賜段匹物料折鈔千六百五十六錠銀五十錠  
折鈔千錠

江南戶鈔大德七年分撥南恩州萬二千六百四  
戶計鈔五百四十四錠

世祖次子愛牙赤大王位

歲賜銀五十錠折鈔千錠段匹物料折鈔千六百  
五十六錠

江南戶鈔皇慶元年分撥邵武路光澤縣萬三千  
六百有四戶計鈔五百四十四錠

世祖次子鎮南王脫歡位

歲賜銀五十錠段匹物料折鈔千六百五十六錠

江南戶鈔皇慶元年分撥福州路寧德縣萬二千六百有四戶計鈔五百四十四錠

世祖次子雲南王忽哥赤位

歲賜銀五十錠折鈔千錠段匹物料折鈔千六百五十六錠

江南戶鈔皇慶元年分撥福州路福安縣萬二千六百有四戶計鈔五百四十四錠

世祖次子忽都帖木爾大王位

歲賜銀五十錠折鈔千錠段匹物料折鈔千六百五十六錠

江南戶鈔皇慶元年分撥泉州路南安縣萬二千六百四戶計鈔五百四十四錠

裕宗長子晉王甘麻刺位

歲賜段絹各千匹又多爾只延祐元年爲始年例支中統鈔千錠

五戶絲闊闊不花所管益都二十九戶

江南戶鈔皇慶元年分撥南康路六萬五千戶又迭里哥爾不花湘寧王分撥湘鄉縣六萬五千戶

計鈔二千六百錠

順宗子武宗爲懷寧王時

五戶絲憲宗丁巳年分撥懷孟萬有千二百七十

二戶懷孟爲世祖潛邸分地蓋即位後以與太子真金轉及順宗以至懷寧王也世祖紀初憲

宗分漢地封宗屬世祖得關中憲宗曰關中戶寡河南懷孟地使民移可取以自益云舊史紀謂憲

宗丙辰年命益懷州爲世祖分地紀載偶異

江南戶鈔大德八年分撥瑞州路六萬五千戶計鈔二千六百錠

順宗子阿木哥魏王位

江南戶鈔皇慶元年分撥慶元路六萬五千戶計鈔二千六百錠

武宗子明宗爲周王時

江南戶鈔延祐二年分撥湘潭州六萬五千戶計鈔二千六百錠

哈丹大王位

五戶絲憲宗戊午年分撥濟南漏籍二百戶延祐六年實有百九十三戶計絲七十七斤

阿魯渾察大王

五戶絲憲宗丁巳年分撥廣平三十戶延祐三年  
實有五戶計絲二斤

霍里極大王

五戶絲憲宗丁巳年分撥廣平等處百五十戶延  
祐三年實有八十七戶計絲三十四斤

阿刺特納什里豫王

天祿元年分撥江西行省南康路

闕

后妃公主

太祖四大帳殿

蒙古語帳殿曰幹爾朵

大帳殿位下

歲賜銀四十三錠紅紫羅二十四匹染絹百匹雜色  
絨五千斤針三千箇段七十五匹常課段八百匹

五戶絲憲宗乙卯年分撥保定路六萬戶延祐六年實有萬二千六百九十二戶計絲五千二百七斤

江南戶鈔至元十八年分撥贛州路二萬戶計鈔八百錠

第二帳殿位下

歲賜銀五十錠段七十五匹常課段千四百九十七匹

五戶絲憲宗丁巳年分撥河間青城縣二千九百戶延祐六年實有千五百五十六戶計絲六百五十七斤

江南戶鈔至元十八年分撥贛州路萬五千戶計

鈔六百錠

第三帳殿位下

歲賜銀五十錠段七十五匹常課段六百八十二匹

五戶絲憲宗壬子年查真定等處畸零三百十八戶延祐六年實有百二十一戶計絲四十八斤江南戶鈔至元十八年分撥贛州路二萬有千戶計鈔八百四十錠

第四帳殿位下

歲賜銀五十錠段七十五匹

五戶絲憲宗壬子年分撥真定等處二百八十三戶延祐六年實有一百十六戶計絲四十六斤又

八不別及如子位至元二十五年分撥河間清州  
五百十戶計絲二百有四斤

世祖四帳殿

大帳殿位下

歲賜銀五十錠

江南戶鈔大德三年分撥袁州路宜春縣萬戶計  
鈔千六百錠

第二帳殿位下

歲賜銀五十錠又七錠段百五十四匹

江南戶鈔至元二十一年分撥袁州路分宜縣四  
千戶計鈔百六十錠大德六年分撥袁州路萍鄉  
州四萬二千戶計鈔千六百八十錠

第三帳展位下

歲賜銀五十錠

江南戶鈔大德十年分撥袁州路宜春縣二萬九千七百五十戶計鈔千有百九十錠

第四帳殿位下

歲賜銀五十錠

江南戶鈔大德十年分撥袁州路萬載縣二萬九千七百五十戶計鈔千有百九十錠

順宗后位

歲賜段五百匹

江南戶鈔大德三年分撥三萬二千五百戶

武宗帳殿位下

眞哥皇后位

歲賜銀五十錠鈔鈔五百錠

江南戶鈔延祐二年分撥湘陰州四萬二千戶計鈔千六百八十錠

完者台皇后位

歲賜銀五十錠

江南戶鈔延祐二年分撥潭州路衡山縣二萬九千七百五十戶計鈔千有九十錠

阿昔倫公主位

至元六年分撥葭州等處種田三百戶

趙國公主位

適趙武毅王孛婁合

五戶絲太宗丙申年分撥高唐州二萬戶延祐六

年實有六千七百二十九戶計絲二千三百九十九斤

江南戶鈔至元十八年分撥柳州路二萬七千戶計鈔千有八十錠

### 魯國公主位

五戶絲太宗丙申年分撥濟寧路三萬戶延祐六年實有六千五百三十戶計絲二千二百有九斤江南戶鈔至元十八年分撥汀州四萬戶計鈔千六百錠

### 昌國公主位

昌忠武王李圖繼室太祖女大臣公主太宗紀作果眞所撥戶在東平路舊志失其名地

五戶絲太宗丙申年分撥萬二千六百五十二戶

延祐六年實有三千五百三十一戶計絲二千七百六十六斤

江南戶鈔至元十八年分撥廣州路二萬有七十戶計鈔千八十錠

鄆國公主位

駟馬赤窟一作赤苦

五戶絲太宗丙申年分撥濮州三萬戶延祐六年實有五千九百六十八戶計絲千八百三十六斤江南戶鈔至元十八年分撥橫州等處四萬戶計鈔千六百錠

塔出駙馬

五戶絲憲宗壬子年元查眞定等處畸零二百七十戶延祐六年實有二百三十二戶計絲九十五

斤

帶魯罕公主位

歲賜銀四錠八兩段十二匹

五戶絲延祐六年實有代支戶六百二十戶計絲二百五十四斤

火雷公主位

舊史公主表有火魯公主適哈答駙馬火雷即火雷也舊作大雷者誤秘史作豁雷罕流赤太子之女也哈答駙馬姓韓亦刺氏其弟脫赤列赤尙闕闕干公主

五戶絲太宗丙申年分撥延安府九千七百七十六戶延祐六年實有代支戶千八百有九戶計絲七百二十二斤

奔特古駙馬

五戶絲憲宗丙辰年分撥銀戶五百七十三戶延

祐六年實有五十六戶計絲二十二斤

舊史作庚辰而太宗

憲宗朝皆無庚辰故更正之

### 獨木干公主位

五戶絲憲宗丁巳年分撥平陽千有百戶延祐六年實有五百六十戶計絲二百二十四斤

江南戶鈔至元十八年分撥梅州程鄉縣千四百戶計鈔五十六錠

### 勳臣

木華黎國王

太祖時封國王太宗時撥東平絲戶至元中復加賜江南戶鈔者以其孫安童之功也

五戶絲太宗丙申年分撥東平三萬九千有十九戶延祐六年實有八千三百五十四戶計絲三千

三百四十三斤

江南戶鈔至元十八年分撥韶州等路四萬有千

十九戶計絲千六百四十斤

折那顏先鋒

即哲伯也舊志缺今據太宗紀丙申年折那顏等竝於東平府戶內分撥歲賜增

李羅先鋒

五戶絲太宗丙申年分撥廣平等處種田百戶延

祐六年實有七十戶計絲二十八斤

行丑爾先鋒

五戶絲太宗丙申年分撥大名種田百戶延祐六

年實有三十八戶計絲十五斤

闊闕不花先鋒

五戶絲憲宗壬子年元查益都等處畸零二百七

十五戶延祐六年實有百二十七戶計絲十五斤  
撒吉思不花先鋒

五戶絲憲宗壬子年元查汴梁等處二百九十一  
戶延祐六年實有百二十七戶計絲十五斤

阿里侃斷事官

五戶絲憲宗壬子年元查濟寧等處三十五戶計  
絲十四斤

乞里台拔都

五戶絲太宗丙申年分撥東平百戶計絲四十斤  
孛羅海拔都

五戶絲憲宗壬子年元查德州等處百五十三戶  
計絲六十一斤

元史卷四十九  
拾得官人

五戶絲憲宗壬子年元查東平等處畸零百有十  
二戶計絲八十四斤

伯納官人

五戶絲憲宗壬子年元查東平五十二戶延祐六  
年實有四十五戶計絲十八斤

請乃台先鋒

五戶絲太宗丙申年分撥東平百戶延祐六年實  
有七十八戶計絲三十一斤

帶孫郡王

五戶絲太宗丙申年分撥東平東阿縣萬戶延祐  
六年實有一千六百七十五戶計絲七百二十斤

江南戶鈔至元十八年分撥韶州路樂昌縣萬七千戶計鈔四百二十八錠

溫里荅薛禪

溫里荅卽畏荅爾郡王也薛禪者賜號連名稱之

五戶絲太宗丙申年分撥泰安州二萬戶延祐六年實有五千九百七十一戶計絲二千四百二十五斤

江南戶鈔至元十八年分撥桂陽州二萬有千戶計鈔八百四十錠

朮赤台郡王

朮赤台有孫端眞襲郡王太宗紀作鍛眞一作段眞丙申年撥戶時段眞襲爵矣

五戶絲太宗丙申年分撥德州二萬戶延祐六年實有七千百四十六戶計絲二千九百四十八斤江南戶鈔至元十八年分撥連州路二萬有千戶

計鈔八百四十錠

阿思蘭官人

江南戶鈔至元十八年分撥潯州路三千戶計鈔百有二十錠

孛魯古妻佟氏

功臣無後者之妻

五戶絲太宗丙申年分撥眞定百戶延祐六年實有三十九戶計絲十五斤

八達子官人

丞相哈刺合孫之祖也故加賜江南戶鈔

五戶絲太宗丙申年分撥順德路萬四千八十七戶延祐六年實有四千四百四十六戶計絲二千四百六斤

江南戶鈔至元十八年分撥欽州路萬五千八十

七戶計鈔六百二錠

右手萬戶三投下孛羅台萬戶

博爾朮之子也與忒木台駙馬斡闡台闡哩必

三人所謂三投下

五戶絲太宗丙申年分撥廣平路洺水州萬七千三百三十三戶延祐六年實有四千七百三十三戶計絲千七百三十八斤

江南戶鈔至元十八年分撥全州路清湘縣萬七千九百十九戶計鈔七百十六錠

特木台駙馬

右手萬戶三投下之二也

五戶絲太宗丙申年分撥廣平路磁州九千四百五十七戶延祐六年實有二千四百七戶計絲九百八十九斤

江南戶鈔至元二十二年分撥全州路錄事司九千八百七十六戶計鈔三百九十五錠

幹闕烈闔里必

右手萬戶三投下之三也

五戶絲太宗丙申年分撥廣平路萬五千八百七戶延祐六年實有千七百三戶計絲六百八十斤江南戶鈔至元二十年分撥全州路灌陽縣萬六千七百五十七戶計鈔六百四十六錠

左手九千戶合丹大息千戶

合下文之四千戶三千戶一千戶共爲九千戶

五戶絲太宗丙申年分撥河閒路齊東縣千二十三戶延祐六年實有三百六十六戶計絲百六十六斤

江南戶鈔至元十八年分撥藤州蒼梧縣千二百

四十四戶計鈔九錠

耶速不花等四千戶

左手九千  
戶之二也

五戶絲太宗丙申年分撥河間路陵州千三百二十七戶延祐六年實有五百五十九戶計絲二百二十三斤

耶速兀等三千戶

左手九千  
戶之三也

五戶絲太宗丙申年分撥河間路寧津縣千七百七十五戶延祐六年實有七百二十二戶計絲二百八十八斤

江南戶鈔至元十八年分撥藤州等處三千七百三十二戶計絲二百八十八斤

帖柳兀圖千戶

左手九千戶之四也。帖柳兀圖即伯顏之曾祖述律哥圖也。伯顏傳曾祖述

律哥圖事太祖爲巴鄰部左千戶至元十八年頒  
羣臣食邑詔益以藤州等處四千九百餘戶與此  
志合

五戶絲太宗丙申年分撥河間路臨邑縣千四百  
五十戶延祐六年實有三百五十四戶計絲二百  
六斤

江南戶鈔至元十八年分撥藤州千二百四十四  
戶計鈔四十九錠

和斜温兩投下千二百戶

五戶絲太宗丙申年分撥曹州一萬戶延祐六年  
實有千九百二十八戶計絲七百四十八斤

江南戶鈔至元十八年分撥貴州萬五百戶計鈔  
四百二十錠

忽都虎官人

五戶絲憲宗壬子年查認廣平等處四千戶

江南戶鈔至元十八年分撥韶州曲江縣五千三百九戶計鈔二百十二錠

蔑古赤

五戶絲太宗丙申年分撥鳳翔府實有百三十戶  
江南戶鈔至元二十二年分撥永州路祁陽縣五千戶計鈔二百錠

塔思火爾赤

五戶絲太宗丙申年分撥東平種田戶并壬子年  
續查共六百八十戶延祐六年實有三百八十九戶計絲百五十五斤

塔丑萬戶

五戶絲憲宗壬子年元查平陽等處百八十六戶  
延祐六年實有八十一戶計絲三十七斤

察罕官人

五戶絲憲宗壬子年元查懷孟等處三千六百六  
戶延祐六年實有五百六十戶計絲二百二十四  
斤

孛羅渾官人

卽博爾忽也其孫月赤察爾在  
世祖朝有功故加賜江南戶鈔

五戶絲憲宗壬子年元查保定等處四百十五戶  
丁巳年分撥衛輝路淇州千有百戶延祐六年實  
有一千九十九戶計絲四百四十九斤

江南戶鈔至元二十七年大德六年分撥四千戶

計鈔一百六十錠

速不台官人

其孫阿朮立功世祖朝故加賜江南戶鈔

五戶絲憲宗丁巳年分撥汴梁等處千有百戶延祐六年實有五百七十七戶計絲二百三十斤江南戶鈔至元二十年分撥欽州靈山縣一千六百戶計鈔六十四錠

宿敦官人

五戶絲憲宗丁巳年分撥真定千有百戶延祐六年實有六十四戶計絲二十八斤

耶苦千戶

五戶絲憲宗丁巳年分撥東平等處千有百戶延祐六年實有二百九十五戶計絲百有十八斤

江南戶鈔至元十八年分撥梅州千四百戶計鈔五十六錠

阿可爾

五戶絲憲宗癸丑年分撥益都路高苑縣千戶延祐六年實有百九十六戶計絲七十八斤

伯八千戶

五戶絲憲宗癸丑年分撥太原千有百戶延祐六年實有三百五十一戶計絲百四十斤

兀里羊哈台千戶

五戶絲憲宗戊午年分撥東平等處千戶延祐六年實有四百七十九戶計絲百九十一斤

圖薛官人

五戶絲憲宗丁巳年分撥興元等處種田六百戶  
延祐六年實有二百戶計絲八十斤

塔察爾官人

五戶絲憲宗壬子年元查平陽二百戶延祐六年  
實有二百戶計絲八十斤

折彌思拔都

五戶絲太宗丙申年分撥懷孟等處百戶延祐六  
年實有五十戶計絲二十斤

柔虎官人

五戶絲憲宗丁巳年分撥平陽千戶延祐六年實  
有六百戶計絲二百四十斤

孛哥帖木爾

五戶絲憲宗丁巳年分撥眞定等處五十八戶計  
絲二十三斤

耶速魯千戶

五戶絲憲宗壬子年分撥眞定路百六十九戶延  
祐六年實有四十九戶計絲十六斤

鎮海相公

五戶絲憲宗壬子年元查保定九十五戶延祐六  
年實有五十三戶計絲二十一斤

按察爾官人

五戶絲憲宗壬子年分撥太原等處五百五十戶  
延祐六年實有九十八戶計絲二十九斤

按攤官人

五戶絲中統元年元查平陽路種田戶六十延祐六年實有四十戶計絲十六斤

阿木魯拔都

五戶絲憲宗壬子年元查大名等處三百一十戶延祐六年實有三百一戶計絲百二十斤

孛羅口下裴太納

五戶絲憲宗壬子年元查廣平等處八十二戶延祐六年實有三十戶計絲十二斤

特木台行省

五戶絲憲宗壬子年元查大同等處七百五十一戶延祐六年實有二百五十五戶計絲百有十斤

撒圖千戶

江南戶鈔至元二十年分撥潯州三千戶計鈔百

二十錠

耶可太傅

耶律圖花傳拜太傅總領耶可那延封濮國公卽此人也耶可者大也言第一太傅

五戶絲憲宗壬子年元查上都五百四十戶延祐

六年實有三百戶計絲百二十斤

迭哥官人

五戶絲太宗丙申年分撥大名清豐縣千七百十

三戶延祐六年實有千三百七戶計絲五百七斤

卜迭捏拔都

五戶絲憲宗壬子年元查懷孟八十八戶延祐六

年實有四十戶計絲十六斤

黃兀爾塔海

五戶絲太宗丙申年分撥平陽百四十四戶延祐六年實有百戶計絲四十斤

怯來千戶

江南戶鈔至元二十年分撥潯州路三千戶計鈔百二十錠

哈刺叩温

五戶絲憲宗壬子年元查眞定三十二戶

耶律中書楚材

耶律舊作曳刺聲之轉也楚材舊作兀圖撒罕里蓋太祖呼楚材如此所謂大

黑髯人也

五戶絲憲宗壬子年元查大都等處八百七十戶延祐六年實有四百四十九戶計絲一百有十七斤

欠帖木

五戶絲憲宗壬子年元查曹州三十四戶延祐六年實有三十四戶

欠帖温

以下其止有江南戶鈔而無五戶絲者殆世祖功臣然亦有追錄舊勳而加賜者

歲賜絹百匹弓絃千條

江南戶鈔至元十九年分撥梅州安仁縣四千戶計鈔百六十錠

扎八忽娘子

此功臣無後者之妻

歲賜常課段四百七十四匹

魚兒泊八刺千戶

五戶絲太德元年分撥眞定等處千戶延祐三年實有六百戶計絲二百四十斤

昔寶赤

掌鷹之官也以下七人皆舉其官非人名

江南戶鈔至元二十一年分撥衡州路安仁縣四千戶計鈔百六十錠

八刺哈赤

江南戶鈔至元二十一年分撥台州路天台縣四千戶計鈔百六十錠

阿塔赤

江南戶鈔至元二十一年分撥常德路沅州四千戶計鈔百六十錠

必閣赤

江南戶鈔至元二十一年分撥袁州路萬載縣三千戶計鈔百二十錠

賈赤

江南戶鈔至元二十一年分撥和州麻陽縣四千  
戶計鈔百六十錠

厥列赤

江南戶鈔至元二十一年分撥婺州永康縣五十  
戶計鈔二十錠

八爾赤不魯古赤

江南戶鈔至元二十一年分撥衡州路鄱縣六百  
戶計鈔二十四錠

阿速拔都

卽杭忽里也  
拔都者賜號

江南戶鈔至元二十一年分撥廬州等處三千四  
百九戶計鈔百三十六錠

耶可怯薛

以下四怯薛皆宿衛之官四傑之後耶可者大也以博爾忽子幼故太祖自領之言第一

怯薛

江南戶鈔至元二十一年分撥武岡路武岡縣五

千戶計鈔二百錠

忽都荅怯薛

當是木華黎之後

江南戶鈔至元二十一年分撥武岡路新寧縣五

千戶計鈔二百錠

帖古迭爾怯薛

當是博爾朮之後

江南戶鈔至元二十一年分撥常德路龍陽縣五

千戶計鈔二百錠

月赤察爾怯薛

博爾忽曾孫也絕而復續故降爲第四怯薛

江南戶鈔至元二十一年分撥武岡路綏寧縣五

元史卷八十九  
千戶計鈔二百錠

玉龍帖木爾千戶

江南戶鈔至元二十年分撥潯州三千戶計鈔百二十錠

別苦千戶

江南戶鈔至元二十年分撥潯州三千戶計鈔百二十錠

幢兀爾王

蓋卽藏兀爾封  
句容郡王者

江南戶鈔延祐二年爲始支中統鈔二百錠無城池

霍木海

五戶絲憲宗壬子年元查大名等處三十三戶

土圖哈哈刺赤

卽藏兀爾之父以其先掌桐馬乳號黑馬乳因目其屬曰哈哈刺赤

江南戶鈔至元二十一年分撥饒州路四千戶計鈔一百六十錠

田都虎爾

五戶絲太宗丙申年分撥眞定百戶

賈荅刺罕

五戶絲憲宗壬子年元查大都十四戶

阿刺博爾赤

五戶絲憲宗壬子年元查眞定五十五戶

忽都那顏

五戶絲憲宗壬子年元查大名二十戶

忽辛火者

火者卽和卓乃貴稱也

五戶絲憲宗壬子年元查眞定二十七戶

大忒木爾

五戶絲憲宗壬子年元查眞定二十二戶

布八火爾赤

火爾赤亦官名

五戶絲憲宗壬子年元查大都八十四戶

塔蘭官人

五戶絲憲宗壬子年元查大寧三戶

汗刺哈爾

五戶絲憲宗壬子年元查保定二十一戶

昔里吉萬戶

五戶絲憲宗壬子年元查大都七十九戶

清河縣達魯花赤耶速

五戶絲憲宗壬子年元查大名二十戶

塔刺罕劉元帥

五戶絲憲宗壬子年元查順德十九戶

蠻子怯薛白

五戶絲憲宗壬子年元查秦安州七戶

汪古台必闐赤

五戶絲憲宗壬子年元查沐梁等處四十六戶

阿刺罕萬戶

五戶絲憲宗壬子年元查保定一戶

徐都官人

五戶絲憲宗壬子年元查大都三十一戶

西川城左翼蒙古漢軍萬戶脫力什

歲賜常課段三十三匹

伯要台千戶

歲賜段二十四匹

典迭爾千戶

歲賜常課段六十四匹

以上三人未審何時功臣其歲賜未審何帝所給大

抵中葉以後人故與太平王均列於末

燕帖木爾太平王

歲賜天祿元年定金十錠銀五十錠鈔萬錠分撥

江東道太平路地五百頃

至元二十九年十月癸丑完澤等言凡賜諸人物有二十萬錠者爲數旣多先賜者盡得之及後將賜或無可給不均爲甚今計怯薛帶怯憐口昔博赤哈刺赤凡近侍人上

等以二百戶爲率次等半之下等又半之於下等擇尤貧者歲加賞賜則無不均之失矣一歲天下所入凡二百九十七萬八千三百五錠今歲已辦者纔一百八十九萬三千九百九十三錠其中有未至京師而在道者有就給軍旅及織造物料館傳俸祿者自春至今凡出三百六十三萬八千五百四十三錠出數已逾入數六十六萬二千三百三十八錠矣懷孟竹課歲辦千九十三錠尙書省分賦於民人實苦之宜停其稅帝從之

右見完澤傳今移附志末

### 俸秩

元初未置祿秩其時方務征戰武貪虜獲文待頒賞世祖卽位始用漢臣言命給官祿以養廉恥內而朝臣百司外而路府州縣微而府史胥徒祿各有等大德中以外有司

有職田於是無職田者復益之以俸米其所以體恤臣下之制與前代埒

祿秩之制凡朝廷職官世祖中統元年定之六部官二年定之隨路州縣官是年十月定之至元六年又分上中下縣爲三等自經厯以下七年復增之至十七年定奪俸祿凡內外官吏皆住支二十二年重定百官俸始於各品分上中下三例視職事爲差事大者依上例事小者依中例二十三年又命內外官吏俸以十分爲率增支五分二十九年定各處儒學教授俸與蒙古醫學同成宗大德三年詔益小吏俸米六年又定各處行省宣慰司致用院宣撫司茶鹽運司鐵冶都提舉司淘金總管府銀場提舉司等官循行俸例七年始加給內外官吏俸米凡俸十兩以下

人員依小吏例每十兩給米一斗十兩以上至二十五兩每員給米一石餘上之數每俸一兩給米一升無米則驗其時值給價雖貴每石不過二十兩上都大同隆興甘肅等處不產米者每石權給中統鈔二十五兩俸三錠以上者不給至大二年詔隨朝官員及軍官等俸改給至元鈔而罷其俸米延祐七年又命隨朝官吏俸以十分爲率給米三分凡諸官員上任者不過初二日罷任者已過初五日給當月俸各路官擅割官吏俸者罪之軍官差出者許借俸歿於王事者借俸免徵各投下保充路府州縣等官其俸與王官等職田之制路府州縣官至元三年定之按察司官十四年定之江南行省及諸司官二十一年定之其數減腹裏之半至武宗至大二年外官有職田者三品

給祿米百石四品給六十石五品五十石六品四十五石七品以下四十石俸鈔改支至元鈔其田拘收入官四年又詔公田及俸皆復舊制延祐三年外官無職田者量給粟麥凡交代官芒種已前去任者其租後官收之已後去任者前官分收後又以爭競者多俾各驗其俸月以爲多寡俸祿數繁不勝載且多用鈔不可通於後世故略之而惟載祿田之制蓋唐宋不常有而實近於古云

職田數

至元三年定隨路府州縣官員職田上路達魯花赤十  
六頃總管同同知八頃治中六頃府判五頃下路達  
魯花赤十四頃總管同同知七頃府判五頃散府達  
魯花赤十頃知府同同知六頃府判四頃上州達魯

花赤十頃州尹同同知五頃州判四頃中州達魯花赤八頃知州同同知四頃州判三頃下州達魯花赤六頃知州同州判三頃警巡院達魯花赤五頃警使同警副四頃警判三頃錄事司達魯花赤三頃錄事同錄判二頃縣達魯花赤四頃縣尹同縣丞三頃主簿二頃縣尉主簿兼尉竝同經麻四頃

至元十四年定按察司職田各道按察使十六頃副使八頃僉事六頃

至元二十一年定江南行省及諸司職田比腹裏減半上路達魯花赤八頃總管同同知四頃治中三頃府判二頃五十畝下路達魯花赤七頃總管同同知三頃五十畝府判二頃五十畝經麻二頃知事一頃提

控案牘同散府達魯花赤六頃知府同同知三頃府  
判二頃提控案牘一頃上州達魯花赤五頃知州同  
同知二頃州判同提控案牘一頃中州達魯花赤四  
頃知州同同知二頃州判一頃五十畝都目五十畝  
下州達魯花赤三頃知州同同知二頃州判一頃五  
十畝上縣達魯花赤二頃縣尹同縣丞一頃五十畝  
主簿一頃縣尉同中縣同上無縣丞下縣達魯花赤一  
頃五十畝縣尹同主簿兼尉一頃錄事司達魯花赤  
一頃五十畝錄事同錄判一頃司獄一頃巡檢同  
按察使八頃副使四頃僉事三頃經麻二頃知事一  
頃

運司官運使八頃同知四頃運副三頃運判同經麻

二頃知事二頃提控案牘同

鹽司官鹽使二頃鹽副二頃鹽判一頃各場正同管  
句各一頃

常平義倉

常平起漢義倉起唐使饑不病民賤不傷農非獨以備荒  
政也元代因之立義倉於鄉社又置常平於路府粟直不  
低昂而民無菜色可謂善法漢唐者矣常平倉始於世祖  
至元六年視豐歉貴賤而增減其糴糶以平價便民於是  
八年以和糴糧及諸河倉所撥糧貯焉二十三年定鐵法  
又以鐵課糴糧充焉義倉置於各社主以社長卽宋之社  
倉也豐年每親丁納粟五斗驅丁二斗無粟聽納雜色歉  
年就給社民於是二十一年新城縣水二十九年東平等

處饑皆發義倉振之皇慶二年復申其令然行之既久名  
存實亡則有司之過非獨元代然也

### 振恤

元之振恤有二曰蠲免卽周官所謂薄征曰振貸卽周官  
所謂散利然蠲免有以恩免者有以災免者振貸有爲鰥  
寡孤獨者有爲水旱疫癘者有爲京師人物繁湊而每歲  
振糶者皆足以見損上益下視民如傷之說若夫納粟補  
官之令別入選舉志不重出焉

恩免之制世祖中統元年量減絲料包銀分數二年免西  
京北京燕京差發是年二月又以眞定大名河南陝西東  
平益都平陽等路兵興之際勞於轉輸其差發減輕科取  
三年北京等路以兵興免本歲絲料包銀是年閏九月以

濟南路遭李壇之亂軍民皆饑盡除差發四年以西涼民戶值渾都海阿藍荅之亂人民流散免差稅二年至元元年詔減明年包銀十分之三全無業者十之七是年四月逃戶復業者免差稅三載至元三年減中都包銀四分之十一十二年蠲免包銀絲線俸鈔是年八月免河南路包銀三分之一其餘路府亦免十之五十九年免諸路民戶明歲包銀俸鈔及逃移戶差稅二十年免大都平灤民戶絲線俸鈔二十二年除民間包銀三載不使帶納俸鈔盡免大都軍民地稅二十四年免東京軍民絲線包銀俸鈔是年九月除北京馬五百匹二十五年免遼陽武平等處差發二十七年減河間保定平灤三路絲線之半大都全免二十八年詔免腹裏諸路包銀俸鈔其大都上都隆興平

灤大同太原河間保定武平遼陽十路絲線並除之二十九年免上都隆興平灤保定河間五路包銀俸鈔三十年免大都差稅三十一年成宗卽位詔免天下差稅有差是年六月免腹裏軍站匠船鹽鐵等戶稅糧及江南夏稅之半元貞元年除大都民戶絲線包銀稅糧大德元年以改元免大都上都隆興民戶差稅三載三年詔免腹裏包銀俸鈔及江南夏稅十分之三四年詔免上都大都隆興明年絲銀稅糧其數亦如之江南租稅減十分之一九年又下寬免之令以恤大都上都隆興腹裏江淮之民十年逃移民戶復業者免差稅三載十一年武宗卽位詔免內外郡縣差稅有差至大二年上尊號詔免腹裏江淮差稅三年又免大都上都中都秋稅及民間差稅之負欠者四年

免腹裏包銀及江南夏稅十分之三。是年四月又免大都上中都差稅三載。延祐元年以改元免大都上都差稅二載。其餘被災經振者免一載。流民復業者免差稅三載。二年免各路差稅絲料。七年免腹裏絲綿十分之五。外郡十分之三。江淮夏稅所免之數與外郡絲綿同。民間逋欠差稅並除之。是年免丁地稅糧包銀絲料各有差。至治二年寬恤軍民站戶。三年免臨清萬戶府軍民船戶差稅。三載福建蠶戶差稅一載。泰定三年罷江淮以南包銀天庥。元年免諸路差稅絲料有差及海北鹽課三載。二年免達達軍站之貧乏者及各路差稅有差。是年十月又免人民逋欠官錢及奉元商稅各處竈戶雜役。至順元年以改元免諸路差稅有差。減方物之貢。免河南府懷慶路門攤海。

北鹽課存恤紅城屯田軍三載

災免之制世祖中統元年以各處被災驗實減免科差三年以蠻寇攻掠免三义沽竈戶百六十五戶絲料包銀四年以秋旱霜災減大名等路稅糧至元三年以東平等處蠶災減其絲料五年以益都等路禾損蠲其差稅六年以濟南益都懷孟德州淄萊博州曹州真定順德河間濟州東平恩州南京等處桑蠶災傷量免絲料七年南京河南蝗旱減差徭十分之六十九年減京師民戶科差之半二十年以水旱相仍免江南稅糧十分之二二十四年免北京饑民差稅是年揚州及浙西水其地稅在揚州者全免浙西減二分二十五年南安等處被寇者稅糧免徵二十六年紹興路水免地稅十之三是年六月又以遼陽禾稼

不收免其差稅二十七年大都遼陽被災免其包銀俸鈔  
是年六月又以霖雨免河間等路絲料之半十月以興松  
二州霜免其地稅二十八年遼陽被災者稅糧皆免徵其  
餘量徵其半是年五月以太原杭州被災免其丁地稅糧  
二十九年以北京地震量減歲課是年以大都去歲不登  
流移者眾免其稅糧及包銀俸鈔元貞元年以供給繁重  
及水傷禾稼免咸平府邊民差稅大德二年以旱蝗除揚  
州淮安兩路稅糧五年各路災重者其差稅並除之六年  
免大都平灤差稅七年以內郡饑荆湖川蜀供給軍餉其  
差稅減免各有差八年以平陽太原地震免差稅三載至  
大元年以江南江北水旱民饑其科差夏稅並免之二年  
以腹裏江淮被災其科差夏稅亦並免之皇慶二年免益

都畿民貸糧延祐二年河南歸德南陽徐邳陳蔡許州荆  
門襄陽等處水三年肅州等處連歲被災皆免其民戶稅  
糧天厯元年陝西霜旱免其科差鹽官州海潮免其秋糧  
夏稅是年十二月又詔免寇盜剽掠州縣差稅二年以關  
陝旱免差稅三載至順元年以河南懷慶旱其門攤課程  
及逋欠差稅皆免徵

振貸之制世祖中統元年及至元元年皆詔天下鰥寡孤  
獨廢疾不能自存之人命所在官司以糧贍之又詔病者  
給藥貧給糧薪八年令各路設濟眾院以處之十年以官  
吏破除入己凡糧薪竝救於公廳給散十九年各路立養  
濟院一所仍委縣司點治二十年給京師南城孤老衣糧  
房舍二十八年給寡婦冬夏衣二十九年給貧子柴薪日

五斤三十一年特賜米絹元貞二年詔各處孤老凡遇寬  
恩人給布帛各一大德三年詔遇天壽節人給中統鈔二  
貫永爲定例六年給死者棺木錢其水旱疫癘振貸之制  
中統元年平陽旱遣使振之二年遷薛捏集地貧民就食  
河南平陽太原三年濟南饑以糧三萬石振之又以課銀  
百五十錠濟甘州貧民四年以錢糧幣帛振東平濟河貧  
民以鈔四千錠振諸王只必帖木爾部貧民至元二年以  
鈔百錠振闊闊出所部軍五年益都民饑驗口振之六年  
東平河閒十五處饑亦驗口振之八年以糧振西京路急  
遞鋪兵卒十二年濮州等處饑貸糧五千石十六年以江  
南所運糯米不堪用者振貧民十九年眞定饑振糧兩月  
二十年以帛千匹鈔三百錠振水達達地貧民二十三年

大都屬郡六處饑振糧三月二十四年幹端民饑振鈔萬錠是年四月竝以陳米給貧民七月又給諸王阿只吉部貧民糧大口二斗小口一斗二十六年京兆旱以糧三萬石振之是年又振左右翼屯田蠻軍及月魯部貧民糧各三月二十七年大都民饑減糶糧五萬石二十八年以去歲隕霜害稼振宿衛士怯憐口糧二月以饑振徽州溧陽等路民糧三月三十一年復振宿衛士怯憐口糧三月元貞元年諸王阿難荅部民饑振糧二萬石是年六月又以糧千三百石振隆興府饑民二千石振千戶蔑圖等軍七月又振遼陽民糧二月大德元年以饑振遼陽水達達等戶糧五千石公主囊加真位糧二千石其腹裏并江南災傷之地振糧三月二年振隆興臨江兩路饑民又振金復

州屯田軍糧二月四年鄂州等處饑發湖廣省糧十萬石  
振之七年以鈔萬錠振歸德饑民九年澧陽縣火振糧二  
月十一年以饑振安州高陽等縣糧五千石鄆州穀萬石  
奉符等處鈔二千錠兩浙江東等處鈔三萬餘錠糧二十  
萬餘石又勸率富戶振糶糧百四十餘萬石凡施米者驗  
其多寡授以院務等官是年又以鈔十四萬七千餘錠鹽  
引五千道糧三十萬石振紹興慶元台州三路饑民皇慶  
元年寧國饑振糧兩月自延祐之後腹裏江南饑民歲加  
振恤其所振或以糶或以鹽引或以鈔其京師振糶之制  
至元二十二年始行其法於京城南城設鋪各三所分遣  
官吏發海運之糧減直以振糶焉凡白米每石減鈔五兩  
南粳米減鈔三兩歲以爲常成宗元貞元年以京師米貴

益廣世祖之制設肆三十所發糧七萬餘石糶之白粳米每石中統鈔十五兩白米每石十二兩糙米每石六兩五錢二年減米肆爲十所其每年所糶多至四十餘萬石少亦不下二十餘萬石至大元年增兩城米肆爲十五所每肆日糶米百石四年增所糶米價爲中統鈔二十五貫自是每年所糶率五十餘萬石泰定二年減米價爲二十貫致和元年又減爲十五貫云振糶糧之外復有紅貼糧紅貼糧者成宗大德五年始行初振糶糧多爲豪猾巧取未周及貧民於是令有司籍兩京貧戶之數置半印號簿文帖各書其姓名口數逐月對帖以給大口三斗小口半之其價視振糶之直又三分減一與振糶並行每年撥米總二十萬四千九百餘石閏月不與焉

惠民藥局之制本於周官醫師凡邦有疾病疔瘍者造焉  
宋代置局元世尤重其制嚴其考試定其升遷故良醫輩  
出其藥局官給鈔本月營子錢以備藥物仍擇良醫主之  
以療貧民初太宗九年始於燕京等十路置局以奉御田  
閣闕太醫王堇齊楫等爲局官給銀五百錠爲規運之本  
世祖中統二年又命王祐開局四年復置局於上都每中  
統鈔百兩收息錢一兩五錢至元二十五年以陷失官本  
悉罷革之至成宗大德三年又準舊例於各路置焉凡局  
皆以各路正官提調所設良醫上路二名下路府州各一  
名其所給鈔本亦驗民戶多寡以爲等差云

元史卷八十九終